

# ***Ilanngussaq M***



**Inuussutissarsiornermut, Suliffeqarnermut,  
Niuernermit Nunanullu Allanut  
Naalakkersuisoq**

Ulloq: 23. oktober 2015

J.nr.: 01.31.11-00015

**Aningaasaqarnermut Akileraartarnermullu Ataatsimiititaliamit ataasinngornermi ulloq 26. oktober 2015, nal. 14.00 ataatsimiittarfik 1-imi siunersiorneqarnissamut aggeq-qusissut.**

2016-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UKA 2015/7).

**Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2016-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap apeqqutaanut Naalakkersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tunngavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 28. september apeqqutaanut normuliunneqartut assigaat.

3.17. Immikkoortoq 7.4, Inuussutissarsiuutinut suliffissanullu suliassaqarfik, qupperneq 110

Apeqqut b)-mut Naalakkersuisut akissutaannut

Apeqqut 1:

Inuussutissarsiuutinik siuarsaanermi aqqissuussinernut aningaasaliissutit amerlassusiat aallarnisaanermik suliniutit qanoq amerlatigisut iluatsiffiusarnerannut apeqqutaanersoq Naalakkersuisunit oqaatigineqarsinnaava?

Apeqqut 2:

Piffinni aningaaserivinnit taarsigassarsisitsiffigerusunneqannginnerusuni aallarnisaanermik suliniuteqartunut attaveqarneq Naalakkersuisut qanoq ingerlanniarsarisarpaat.

12.3 Konto pingarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

Apeqquut:

Suliassaqaarfinnut pingasunut missingersuutitut ilanngussami taaneqartunut aningaasaliissutit qanoq agguataarlugit atorneqartarnersut Naalakkersuisunit oqaatigineqarsinnaava? Naalakkersuisut isumaat malillugu isumassarsianut pitsaasunut aningaasat atorneqartarpat? Nunaqarfiit pillugit ataatsimeersuarneq qanga kingullermik ingerlanneqarpa aammalu tassannga imaqarniliaqarpa?

12.6 Konto pingaarneq 64.10.25 Suliniutit angisuut

Naalakkersuisut allapput aningaasaliissusamik suleqateqarnermut ilaatillugu oqallisigineqartoq maannamut erngup nukinganik innaallagissiorfiliornissamut pilersaarutaasunik Kalaallit Nunaata atuinissaanut periarfissinneqarsinnaanera.

Apeqquut:

Allatut atuisinnaaneq siunertaralugu erngup nukinganik innaallagissiorfiliornissamut periarfissatta allanut isumaqatigiinniutigineqarnissaat pilersaarutigineqarnerneq Naalakkersuisunit paasissutissiissutigineqarsinnaava?

12.7 Konto pingaarneq 64.10.27 Inuussutissarsiutit ineriartortinnerinut pilerisaarinernullu suliniutit

Apeqquut a)-mut Naalakkersuisut akissutaannut

Apeqquut:

Naalakkersuisut akissutaat ataatsimiititaliamit ima paasineqassava Inatsisartut aalajangiinerat Naalakkersuisunit unneqqarissumik malinniarneqarsimasoq?

16.7 Konto pingaarneq 85.50.20 Takornariartitsinermi sanaartorneq

- a) Ilulissat kangiani sullissiviup ukiumi ingerlatsiviusumi siullermi ukiumut akiliuteqarluni pulaartunik 17.000-nik takuniarneqartarnissaa naatsorsuutaasoq, tamatumalu kingorna amerliartornissaat naatsorsuutigineqartoq Naalakkersuisut paasissutissiissutigaa. Amerlassutsit siuliani taaneqartut qanoq naatsorsorneqarsimanersut paasissutissiissutigineqassasoq ataatsimiititaliamit kissaatigineqarpoq?

Akissut:

Suliniummumut kisitsisit Realdaniap naatsorsuineranik tunngaveqarput.

Apeqquummut e)-mut akissut innersuussutigalugu ataatsimiititaliamit ima paasineqarpoq Ilulissat kangiani sullissiviup naatsorsuutigisinnaagaa akiliillutik pulaartut ilarpassuisa Ilulissaneersuullutillu nunatta sinneraneersuunissaat. Tamatumunnga Naalakkersuisut qanoq oqaaseqaatissaqarpat?


Naalakkersuisumik siunersuinermini allanik aamma apeqquuteqarnissani ataatsimiititaliap naatsorsuutigaa.

-----

Ataatsimiititaliap Naalakkersuisumik siunersuinerata Naalakkersuisup ataatsimiititaliallu akornanni pingaarnersiulluni tullerriarinerit anguniakkallu pillugit naalakkersuinerneq tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguinngua uunga nassiunneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua



Dato: 24. oktober 2015

**Aningaasaqarnermut Akileraartarnermullu Ataatsimiititaliamik  
isumasioqateqarluni ataatsimeeqatigiinnissaq ataasinngorneq ulloq 26.  
oktober 2015, nal. 14.00 ataatsimiittarfik 1-imi.**

Aningaasaqarnermut Akileraartarnermullu Ataatsimiititaliap  
Inuussutissarsiornermut, Suliffeqarnermut, Niuernermut Nunanullu Allanut  
Naalakkersuisoq 2016-imut Aningaasanut inatsisissamut siunnersuut pillugu  
isumasioqatiginiarlugu aggersarpaa. (UKA2015/7).

Matuma kinguliani Aningaasaqarnermut Ataatsimiititaliap apeqputai aamma  
Inuussutissarsiornermut, Suliffeqarnermut, Niuernermut Nunanullu Allanut  
Naalakkersuisup akissutai allassimapput.

**Aningaasaqarnermut Ataatsimiititaliap oqaaseqaatai apeqputaalu:**

3.17. Immikkoortoq 7.4. Inuussutissarsiornermut suliffeqarnermullu  
suliassaqarfik, qupperneq 110

Apeqput b)-mut Naalakkersuisut akissutaannut

Apeqput 1:

Inuussutissarsiutinik siuarsaanermi aaqqissuussinermut aningaasaliissutit  
amerlassusiat aallarnisaanermik suliniutit qanoq amerlatigisut  
iluatsiffiusarnerannut apeqputaanersoq Naalakkersuisunit  
oqaatigineqarsinnaava?

Akissut:

Pingaaruteqarpoq inuussutissarsiutinut tapiissuteqartarnermik aaqqissuussinerit  
isiginiassallugit sakkussatut atortorissaarutitut inuussutissarsiummik  
aallartitsiniartunut tunngatillugit. Imaassinnaavoq tapiissuteqarneq  
aallaqqaammut inuussutissarsiummik iluatsittumik ingerlatsilernerimik  
kinguneqanngitsoq, kisianni aallarnisaasoq suliap ingerlannerani misilittakkanik  
piginnaanernillu katersisarpoq, kingusinnerusukkut immaqa suliniummut  
iluatsittumut atorsinnaasaminik. Naalakkersuisut naliliineraat pingaaruteqartoq  
inuussutissarsiutinik siuarsaaniarnermut aningaasaliissuteqartoqartarnera.  
Aamma nalilerneqarpoq maanna killiliussaasut naammattut.

Inuussutissarsiornikkut siuariartorfiusumik ineriartorneq aamma pissutsinik allanik tunngaveqartarpoq, soorlu inatsisiliornikkut killiliussanik, pitsaasunik attaveqaateqarnera atortulersuuteqarneralu, assartuinnermut atatillugu atugassarititaasut pitsaasuuneri, sulisussanik piginnaaneqarluartunik piareersimasoqarnera aamma ilinniarsimassutsip pitsaasuunera.

Apeqquut 2:

Piffinni aningaaserivinnit taarsigassarsitsiffigerusunneqannginnerusuni aallarnisaanermik suliniuteqartunut attaveqarneq Naalakkersuisut qanoq ingerlanniarpaat.

Akissut:

Inuussutissarsiutinik siuarsaanermut aaqqissuussinerup atuuttup ataani tapersiivigineqarnissamut qinnuteqaatinik suliarinnittarneq aalajangersimasoq Greenland Business A/S-imit isumagineqarpoq. Greenland Business A/S-ip inuussutissarsiutinik siuarsaanermut aaqqissuussinernut assigiinngitsunut annertunerusumik nittarsaassinermik suliniuteqarneq ingerlappaa. Suliniuteqarneq taanna nunami sumiiffinni atituumik aaqqissuunneqarpoq, taamaalilluni sumiiffinni aningaaseriviit immaqa taarsigassarsititsinissamut piomassuseqarfiginngisaanni, inuussutissarsiummik aallarniisut, siunnerfigineqarlutik.

Tamatuma saniatigut inuussutissarsiutinik siuarsaanermut tapersiissutit paasissutissiivigineqartarnerat suliarinnittarnerlu pillugit Greenland Business-ip aamma kommunini inuussutissarsiornermi siunnersuisartut akornanni suleqatigiittoqarpoq.

12.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

Apeqquut:

Suliassaqarfinnut pingasunut missingersuutinut ilanngussami taaneqartunut aningaasaliissutit qanoq agguataarlugit atorneqartarnerisut Naalakkersuisunit oqaatigineqarsinnaava?

Naalakkersuisut isumaat malillugu isumassarsianut pitsaasunut aningaasat atorneqartarpat?

Nunaqarfiit pillugit ataatsimeersuarneq qanga kingullermik ingerlanneqarpat aammalu tassannga imaqaqarparpa?

<http://naalackersuisut.gl/kl-GL/Naalackersuisut/Naalackersuisoqarfiit/Erhverv-Arbejdsmarked-og-Handel/Erhverv/Konference-om-udvikling-af-mindre-bosteder>

<http://naalackersuisut.gl/da/Naalackersuisut/Departementer/Erhverv-Arbejdsmarked-og-Handel/Erhverv/Konference-om-udvikling-af-mindre-bosteder>

#### 12.6 Konto pingaarneq 64.10.25 Suliniutit angisuut

Naalackersuisut allapput aningaasaliisussamik suleqateqarnermut ilaatillugu oqallisigineqartoq maannamut erngup nukinganik innaallagissiorfiliornissamut pilersaarutaasunik Kalaallit Nunaata atuinissaanut periarfissinneqarsinnaanera.

#### Apeqqut:

Allatut atuisinnaaneq siunertaralugu erngup nukinganik innaallagissiorfiliornissamut periarfissatta allanut isumaqatigiinniutigineqarnissaat pilersaarutigineqarnersoq Naalackersuisunit paasissutissiissutigineqarsinnaava?

#### Akissut:

2016-imi ukiunilu aggersuni nunani tamalaani tuniniaanissamik nittarsaassinermik suliniuteqarnermut atatillugu, aningaasaliisartuusinnaasunut periarfissaqarfiusut nittarsaanneqarnissaat Naalackersuisut siunertaraat. 2015-imi oktobarimi Kina-mi tuniniaanissamik nittarsaassinermik suliniuteqarnermut atatillugu Kalaallit Nunaanni erngup nukinganit periarfissat saqqummiunneqartussaapput.

#### 12.7 Konto pingaarneq 64.10.27 Inuussutissarsiutit ineriartortinnerinut pilersaarinernullu suliniutit

Apeqqut a)-mut Naalackersuisut akissutaannut

#### Apeqqut:

Naalackersuisut akissutaat ataatsimiititaliamit ima paasineqassava Inatsisartut alajangiinerat Naalackersuisunit unneqqarissamik malinniarneqarsimasoq?

#### Akissut:

Aningaasaqarnermut Ataatsimiititaliap apeqqutaa 12.7.a imatut saasertalerneqarpoq:

#### 12.7 Konto pingaarneq 64.10.27 Inuussutissarsiutit ineriartortinnerinut pilersaarinernullu suliniutit

- a) Pilerisaarinnermut inuussutissarsiutinillu misigisassaqtitsiviusunut 1,6 millioner kronet peerneqannginnissaat AI2015-imut atatillugu Inatsisartunit annertuumik taperserpeqarpoq. Tamanna ima paasineqassava aningaasat taakku kontomut matumunnga ilanngunneqartut aammalu siunertamut tassungarpiq aningaasat atatiinnarneqarnerat suliassanut takussutissiami sumerpiq takuneqarsinnaava?

2015-imut Aningaasanut inatsimmi allassimavoq:

AIS2015-ip pingajussaaneerlugu suliarineqarnerani konto pingaarnermut matumunnga aningaasaliissutit 2015-imit 1,6 mio. kr.-nik amerlineqarput. Aningaasaliissutit qaffanneqarnerisigut qulakkeerneqarpoq suliap 'Eqqumiitsuliernerup misigisassarsiortitsisarnerullu ineriartortinneqarnerat' Visit Greenlandip ataani ingerlatiinnarneqarnissaa.

Taamaalillutik Naalakkersuisut ataqqinnillutik Inatsisartunit kissaatigineqartutut Visit Greenland-imut 2015-imi aningaasaliissutit qaffaassutissat ilannguppaat.

Misigisassarsiornermut inuussutissarsiutinik ineriartortitsineq, siusinnerusukkt annertussusiliussat amertoqqataannik, AIS2016-imut killissaliussat iluanni tapersersorneqassasoq Naalakkersuisut siunertaraat. Taamaattoq misigisassarsiornermut inuussutissarsiutinik ineriartortitsinerup iluani suliniutit aalajangersimasut ingerlanneqartussat pillugit immikkut isumaqatigiissuteqartoqartassasoq Naalakkersuisut kissaatigaat.

#### 16.7 Konto pingaarneq 85.50.20 Takornariartitsinermi sanaartorneq

- a) Ilulissat kangiani sullissiviup ukiumi ingerlatsiviusumi siullermi ukiumut akiliuteqarluni pulaartunik 17.000-nik takuniarneqartarnissaa naatsorsuutaasoq, tamatumalu kingorna amerliartornissaat naatsorsuutigineqartoq Naalakkersuisut paasissutissiissutigaa. Amerlassutsit siuliani taaneqartut qanoq naatsorsorneqarsimanersut paasissutissiissutigineqassasoq ataatsimiititaliamit kissaatigineqarpoq?

#### Akissut:

Suliniummot kisitsisit Realdaniap naatsorsuineranik tunngaveqarput.

Apeqqummut e-mut akissut innersuussutigalugu ataatsimiititaliamit ima paasineqarpoq Ilulissat kangiani sullissiviup naatsorsuutigisinnaagaa akiliillutik pulaartut ilarpassuisa Ilulissaneersuullutillu nunatta sinneraneersuunissaat. Tamatumunnga Naalakkersuisut qanoq oqaaseqaatissaqarpat?



Akissut:

Naatsorsuinermit tunngavisoq tassaavoq Ilulissat Kangerluanni sullissivimmut pulaartartussat ukiumut 17-24.000-it missaanniinnissaat naatsorsuutigineqartoq. Pulaartartussat amerlassusaannut isiginnaariartussat ataatsimut katillugit amerlassusissaannik inuit 35-37.000-it missaanniittunik (2012-mi kisitsisit) naliliineq tunngavigineqarpoq, taakkualu imatut agguarsimapput: Ilulissani innuttaasut 4.600 missaat, umiarsuarnik takornariartaatinik takornariat 9.900 miss, nunamit namminermit takornariat 8.950 missaat, nunanit allanit takornariat 13.700 missaat. Nunarsuaq tamakkerlugu takornariartitsisarfinnik assingusunik 16-inik misissuinikkut naliliisoqarpoq Ilulissat Kangerluannut sullissivimmut isiginnaariartussanut tunngavissat taakkua 50-70%-iisa missaat pilersinneqassasut.

Naliliisoqarpoq naatsorsuineq taanna siunnersortinit suliaasaqarfimmi ilisimasaqarluartunit suliarineqartoq, missiliuinerusoq naleqquttoq allanguuteqanngitsumillu inissisimalluni, tassani tikeraartussat amerlassusaannik missiliuinerit appasinnerit ilaannut inissinneqarsimallutik. Ukiuni aggersuni takornariartartut Kalaallit Nunaannut tikeraartartussat amerlineranni, tikeraartartussanut tunngaviusut sulii annertunermik pitsaanerulersinneqassapput.

Inussiarnersumik inuulluaqqusillunga

  
Vitus Qujaukitsoq

Inuussutissarsiornermut, Suliffeqarnermut, Niuernermit Nunanullu Allanut  
Naalakkersuisoq